

ANIJ EAR KĀĀLŌT EBRAM; PEPE EO AN LOT

Kōttōpar ko an katak in:

- Kwaļok bwe Anij e tiljek ilo An kōmman men ko Ear pepe in kōmmani.
- Kwaļok bwe armej rej aikuj tōmak im pokake Anij, jekdoḡon ta armej ro jet rej kōmmane.
- Kwaļok bwe e aorōk kāālōt ko ad.

Meļeļe ko relap ilo katak in:

- Jen aolep Bible ej juon wōt im ej errā ippān doon.
- Jen lo bwe armej re jab kōkkure pepe ko an Anij im bwe Anij ej kōmman men ko Ej ba aolep iien.
- Jen lo bar jet meļeļe kōn Ri Lomḡor eo me enaaj itok.

Ilo Jenesis 3:15 Anij ear kwaļok juon kallimur kōn juon Ri Lomḡor. Meñe armej raar kāālōt wōt jerowiwī, Anij ear pepe in kōpooje juon iaļ ñan lomḡoren armej. Āinwōt ad jeļā, Anij ear kōkkure laļ in kōn juon ibwijlelep. Innām meñe armej raar lo illu an Anij ñae jerowiwī ko aer, raar wanmaanļok wōt im jerowiwī. Anij ear kajeplōklōk er kōn an ukot kajin ko aer bwe ren jab bōro wōt juon ñae E. A kiiō wōn enaaj juon ri kōnnaan kōn Anij? Wōn enaaj kwaļok plan eo An ñan lomḡoren armej? Kiiō jej katak kōn Ebram, jemān ri tōmak.

1. Ebram ear pād ilo bwij in ro ri tōmak.



Jenesis 11:27-30 Kiiō rein epepen ko an Tira. Tira ear keotak Ebram, Nehor, im Heran; im Heran ear keotak Lot. [28] Im Heran ear mej mokta jān Tira, jemān, ilo āneo ear lotak ie, i Ōr an ri Kaldia. [29] Ebram im Nehor raar bōk pāleirro. Etan pāleen Ebram, Serai, im etan pāleen Nehor, Milka, nejin Heran, eo jemān Milka im Iska. [30] A Serai e war; ejjeļok nejin.

Elōñ jilu ro nejin Noa. Rej Shem, Ham, im Jepet. Ebram ear pād ilo bwijen Shem.

Adam → Seth → Inosh → Noa → Shem → Nehor → Tira →
Ebram

Ebram ear jokwe epaak ñan ijo armej ro re kar jino in kalōk mweo e utiej ilo Babel. Tokālik Anij ear ukōt etan Ebram ñan Ebrean im etan Serai ñan Sara. Ilo iien in, e jañin wor nejin Ebram im Serai.



Jenesis 11:31,32 Im Tira ear āñin Ebram nejin, im Lot jibwin, nejin Heran, im Serai nejin kōrā, pāleen Ebram nejin; im raar ilok ippaer jān Ōr an ri Kaldia, bwe ren ilok ñan āneen Kenean; im raar itok ñan Heran, im jokwe ijo. Im raan ko an Tira, rūbukwi lalem iio, im Tira e mej i Heran.

Tira, jemān Ebram, ear emmakūt jān Ōr im etal ñan Heran. Ear bōk Ebram im Serai ippān. Kab, ear bōk leo jibwun, Lot, ippān kōnke emḡj an jemān Lot mej ilo Ōr. Tira ear lomnak in etal ñan Kenan, ak

e jab tōprak kōnke ear mej ilo Heran.

2. Anij ear kāālōt Ebram im jiroñ e kōn juon men.

* **Anij e tiljek, im E jab oktak.**

* **Anij ej kōnono ippān armej.**



Jenesis 12:1 Kiiō Jeova e kar ba ñan Ebram, “Kwōn ilōk jān āneōm, im jān aṃ jowi, im jān imōn jemōm, ñan juon āne Inaaj ba kajjien ñan eok.”

Anij ear ba ñan Ebram bwe en ilōk jān āneen im etal ñan āne in Kenan. Anij ear kajju kōnono ñan Ebram. E jañin wor Bible ilo tōr eo an Ebram.

- Ilo raan kein Anij e jab kōnono ñan kōj kōn juon ainikien.
- Anij ej kajerbal Bible, Naan ko An, bwe En kōnono ipped.
- Wāween eo de in bwe jen jeļā kōn Anij ej jān Bible.



* **Armej rej ri jerōwiwi. Ej aikuj Anij bwe e jab maroñ make lōmōoren e.**

Etke Anij ear kāālōt Ebram? Anij ear kāālōt e kōnke eṃṃan ṃwilen ke? Anij ear kāālōt e kōn an tiljek ke? E jab. Ilo iien an Anij kūr Ebram, ear kabuñ ñan wōn? E aorōk bwe jen lōmṃak kōn kajjitōk kein.



Joshua 24:2 Im Joshua ear ba ñan armej otemej, “Āindein Jeova Anij in Israel ej ba, ‘Ro jimṃami raar jokwe i River jabuweo, ilo iien ko re mootlōk, aet, Tira jemān Ebram, im jemān Nehor; im raar jermal ñan anij ro jet.’”

Eoon in ej ba bwe ro jimṃan Ri Israel raar kabuñ ñan anij ro jet. Ebram ear juon ri jerōwiwi ke? Aet. Ear lotak ilo jerōwiwi kōnke e nejin Adam āinwōt aolep armej.

Ta Anij ej kūr ro re jab tiljek ñan E ke? Jen jab bwilōñ kōn men in. Anij ejab bōk kōj kōnke kōj armej reṃṃan. Ejab bōk kōj kōn ad tiljek. Jeova ej bōk kōj kōn An tūriaṃo im jouj.



Epesōs 2:8,9 Bwe kōn jouj eṃōj lōmōoreṃi kōn tōmak, im men eo ejab jān kōm make; e an Anij lewōj. E jab jān jermal ko, bwe ejjeļok en kōmmejāje.

Ebram ear juon ri jerōwiwi, bōtab ear lōke Anij im kallimur ko An. Ear kepaak Anij ilo wāween an Anij ba.

* **Anij e utiej jān aolep im Ej irooj ioon aolep men.**

Elōñ ke maroñ an Anij bwe En jiroñ Ebram kōn ta eo en kōmṃane? Aet, bwe Anij ej Irooj ioon aolep men.

3. Anij ear kallimur ñan Ebram

* **Anij e jouj im emman.**

Ro jimmad, me raar wałok jān Noa, raar oktak jān Anij im abwin pokake E. Raar jumae E im kajjioñ in kōmman mweo e utiej ilo Babel. Men in kōmanman ko raar aorōklōk ippāer jān Ri Kōmanman eo.

Bōtab, meñe raar nana im raar jumae Anij, Anij ear jab jołok kallimur eo An bwe En kōmman iał in lōmoor bwe En lōmooren armej jān kajoor an Setan im mej indeeo.

Ewor ke juon me e maroñ kabōjrak Anij jān An kōmman ankilaan? Ejjełok.



Aiseia 46:10 Im Ij kwałok jemłoken jān jinoin, im jān iien moktata, men ko jañin kōmmane; im Ij ba, Aō pepe enaaj jutak, im Inaaj kōmman aolepen kōnaan ko Aō.

Ke Anij ear kūr Ebram, ear juon mōttan plan im pepe an Anij bwe en tōprak An pepe ñan lōmooren armej.

Āindein Anij rainin.

- Ej yokwe im jouj wōt.
- E jañin mełokłok plan eo An ñan lōmooren armej jān eñtaan indeeo.
- E kōnaan bwe aolep ren bōk lōmoor jān jerōwiwi im kajoor eo an Setan.



Jenesis 12:2,3 Im Inaaj kōmman juon aelōñ ełap jān kwe, im Inaaj kajeraamman eok im kōmman etōm bwe en łap, im kwōnaaj men in kajeraamman. Im Inaaj kajeraamman ro rej kajeraamman eok, im Inaaj kōle eo ej kōle eok, im kōn kwe nukun otemjej i lał renaaj jeraamman.

Ewi kallimur im Anij ear kōnono kake? Mokta, meñe ejjełok nejin Ebram im Serai, Anij ear kallimur bwe enaaj wor ro nejier. Ebram enaaj erom juon armej ełap im utiej, im juon aelōñ ełap enaaj wałok jān E.

Barāinwōt, Anij ear kallimur bwe ilo e enaaj wor jeraamman ñan aolep armej ioon lał in.

Ewi wāween bwe aolepen ri lał renaaj jeraamman kōn Ebram? Ta, mool ke ri Ju in raan kein renaaj liłok jān im men in jipañ ko ñan aolep ri lał ke? Ewi jeraamman eo im Jeova Anij ej kōnono kake?



Galetia 3:8 Im Jeje eo, ke ear lo mokta bwe Anij enaaj kawānōk ro ri aelōñ kōn tōmak, Ear kwałok mokta gospel ñan Ebram im ba, “Ilo kwe ri aelōñ otemjej re naaj mōñōñō.”

Kallimur eo im Anij ear kōnono kake ej gospel. Kwōj kememej ke bwe ilo jikin kallib in Iden, Anij ear kallimur bwe enaaj itok juon Eo im enaaj anjō ioon Setan? Kiiō, Anij ej ba bwe juon armej, ineen Ebram, enaaj Ri Lōmoor eo me emōj kōnono kake.


Ekkar ñan kanniōk Jijej ear pād ilo bwijin Ebram. Jijej ear juon ri Ju im Ebram ear jemān ri Ju. Ełañne juon armej ej lōke Jijej enaaj jeraamman im mōñōñō. Kallimur in ej ñan aolep armej.

4. Ebram ear tōmak Anij.

* **Armej rej aikuj tōmak bwe ren kabuñbūruon Anij im bōk lōmoḡor.**



Jenesis 12:4 Im Ebram ear ilōk, āinwōt Jeova ear kōnono ñan e; im Lot ej ilōk ippān lōk. Im rūttōn Ebram jiljilimjuonñoul lalem iio ke ej ilōk jān Heran.



Ear pidodo ke an Ebram tōmak Anij? Jaab! Ear kanooj in pen. Lale mōk! Ebram im ro nukun raar kabuñ ñan ekjab. Kōrā eo ippān ewar im erro rej rūtto. Ejjelōk nejaerro ajri. Ebram ear jokwe ippān baamle eo an. Enaaj pen in ilōk jān baamle eo an im etal ñan juon jikin e jaje kajjien. Ak Ebram ear tōmak Anij bwe Anij enaaj jilkintok juon Ri Lōmoḡor. Kōn men in, Ebram ear pokake Anij.



Jenesis 12:5 Im Ebram ear āñin Serai lio pāleen, im Lot nejin leo jatin, im men ko otemjej raar aini, im ro otemjej raar jibadek er i Heran, im raar diwōj lōk bwe ren ilōk ñan āneen Kenean; im ñan āneen Kenean raar itok.

5. Anij ear watōk an Ebram tōmak āinwōt wānōk.



Jenesis 15:6 Im ear tōmak Jeova; im Ej watōk men in ñan e āinwōt wānōk.

Anij e ban kawānōk juon armej kōn

- jermal ko an reḡman
- jermal ko an koba tōmak
- tōmak im peptaij
- an tiljek im niknik ñan jemlōken

Ej kawānōk kōj kōn tōmak wōt. Ebram ear wānōk iḡaan Anij kōn tōmak. Eñin un eo bwe jen ḡa etan Jemān ri tōmak.



Rom 4:3 Bwe ta an jeje ko ba? Im Ebram ear tōmak Anij, im ar watōk men in ñan e āinwōt wānōk.



Galetia 3:6 Āinwōt Ebram ear tōmak Anij, im eḡōj watōk e ñan e āinwōt wānōk.



Jemes 2:23 Im ejejjet jeje eo e ba, “Im Ebram ear tōmak Anij, im eḡōj watōk e ñan e āinwōt wānōk; im ḡa etan jeran Anij.”

6. E nana ikōtaan ri jermal ro an Ebram im ri jermal ro an Lot.



Jenesis 13:5-7 Im barāinwōt Lot, eo ear ilōk ippān Ebram, ewor an kidu ko re dik, im ko re lap, im mōn kōppād ko. Im āneo e jab maroñe erro, bwe ren jokwe ippān doon; kōnke men ko aer re lōñ, āinwōt bwe re ban jokwe ippān doon. Im e kar juon akwāal ikōtan ro ri lale kidu an Ebram im ro ri lale kidu an Lot. Im kiiō ri Kenean im ri Periz raar jokwe i

āneo.

Lot, nejin leo jatin Ebram, ear barāinwōt tōmak Anij, im ear barāinwōt m̄weie. Joñan an lōñ menninmour ko ippaer, e pen aer pād ippān doon. Ebram ear kwaļok juon an ļōmņak ñan Lot.



Jenesis 13:8,9 Im Ebram ear ba ñan Lot, “Ij ba ñan eok, en ejjeļok akwāāl ippa im ippam, im ippān ro aō ri lale kidu im ro aņ ri lale kidu; bwe kōjro nukun doon. Aolepen āneo e jab pād iṁaan mejōm ke? Ij akweļap ñan eok, kwōn make ļok iaam jān eō; eļaññe kwe ñan anmiiñ innām inaaļ ilok ñan anmoon; ak eļaññe kwe ñan anmoon, innām inaaļ ilok ñan anmiiñ.”

Lot ear reito-reitak im kōmņan kāālōt eo an.



Jenesis 13:10,11 Innām Lot ear reiļok, im ej lo aolepen āne pikin wōt juon iturin Jordan, bwe ewor dān in kamourur ijo ko otemjej, mokta jān an Jeova kōkkure Sodom im Gomorra, āinwōt jikin kallib an Jeova, āinwōt āneen Ijpt, ijo kwōj itok ñan Zoar. Innām Lot ear kāālōt aolepen ijo pikin wōt juon iturin Jordan; im Lot ear itaļok; im raar jepel jān doon.

Meñe Lot ear lōke Anij, ear jab ļōmņak kōn ta eo enaaļ emņan ñan e im baamle eo an. Bōlen ear ļōmņak wōt kōn wāween bwe en lōñļok an jān ak bwe en buñbuñļok. Eloñ jerata ko reļap raar waļok ñan Lot kōn kāālōt in an.

Kein ear pepe in jab eoroñ Anij, im ear jorrāan. E aorōk bwe jen ļōmņak kōn kāālōt ko ad. E aorōk bwe en wor ad lomōor im bwe ro nejōd ren bōk lomōor.



Jabōn Kōnnaan 14:12 Ewor iaļ āinwōt iaļ e jimwe ñan juon armej; a jemļokōn, iaļ ko in mej.

Eļaññe juon armej ej oktak jān Anij im men ko Anij ej ba ilo Bible, enaaļ jorrāan. Emōj an Anij kōpoj juon lomalo in kijeek ñan aolep ro rej abwin lōke men ko Anij ej ba. Ejjeļok tokjān aolep jeraamņan ko an laļ in eļaññe je mej im etal ñan jikin eñtaan eo.



Jenesis 13:12,13 Im Ebram ear jokwe i āneen Kenean, im Lot ear jokwe ilo jikin kweilok ko ijo pikin wōt juon, im ear kajutak em nuknuk eo an iturin Sodom. A ri Sodom raar nana, im ri jerōwiwi eļap iṁaan mejān Jeova.

Epaak ñan jikin eo im Lot ear kāālōt ie, ear wor ruo jikinkweilok, Sodom im Gomorra. Armej ro ie raar lukkuun nana. Raar jab kōņaan jeļā kōn Anij im ankilaan. Raar ļōmņak kōn er make im men ko re nana raar kōņaan kōmņani.

Meñe raar kajekdoon Anij, Anij ear lo er im jeļā kōn aolep men ko raar kōmņani. Armej re maroñ pepe bwe ren ilok jān Anij, ak rej an Anij wōt kōnke Ear kōmņan er, im kōn men in, Enaaļ ekajet er.

Kajjitōk ko

1. Ebram ear pād ilo bwijin wōn?
2. Anij ear kāālōt Ebram kōn an eṃṃan ṃwilin. Mool ke Riab?
3. Anij ear kāālōt Ebram kōn an tiljek. Mool ke Riab?
4. Ke Anij ear kūr Ebram, Ebram ear kabuñ ñan wōn?
5. Eḷaññe Ebram ear kabuñ ñan ekjab innām etke Anij ear kūr e?
6. Anij ej bōk kōj kōnke eṃṃan ad jermal, eṃṃan ad jermal, im eṃṃan ad kabuñ ñan E. Mool ke Riab?
7. Ewi wāween an kar Ebram bōk loṃṃoṃ?
8. Ewi kallimur eo im Anij ear leḷok ñan Ebram?
9. Ebram ear kōṃṃan ta ke ej roñ kallimur in jān Anij?
10. Ta eo ear waḷok kōn an Ebram tōmak Anij?
11. Lot ear kōṃaan jokwe ia?
12. Anij ear jeḷā ke kōn kōṃṃan ko an armej ilo Sodom im Gomorra?

